

四庫全書

史部

欽定四庫全書

史部
欽定滿洲源流考卷十二
三

翰林院編修臣謝墉覆勘

總校官編修臣程嘉謨

欽定四庫全書

欽定滿洲源流考卷十二

疆域

五

金上京

金史上京路海古勒

解見前

之地金舊土也

按此下金

史原文云國言金曰按出虎以按出虎水源於此故名金源建國之號蓋取諸此考滿洲語金耳受新金史舊解以金為按春滿洲語耳墜也耳墜以金為之因誤為金并按出虎亦誤為金皆林境內無受新水亦並無按春水以音與地考之當為今阿勒楚喀河河源在吉林城東北

據松漢記附北盟會編大金國志等所載金上
 京行程過拉林河一程即至上京驛館拉林河
 東去阿勒楚喀不過百餘里阿勒楚喀河源在
 吉林城東北三百里拉林河源在吉林城東北
 二百二十五里核之諸書所載上京宮闕在混
 同江東二百六十里去拉林河一百七十五里
 者俱約畧相合此按出虎即阿勒楚喀之明證
 也至金太祖建國號之詔見於本紀及北盟會
 編所引太祖實錄云契丹以鑛鐵為國號鑛鐵
 雖堅終有銷壞惟金一色最為真實自今本國
 可號大金兩處所載詔旨皆同並未云有金水
 源而金源縣名遠時已有之遼屬中京金屬北
 京以地有金甸而名在今喀喇沁右翼界與金
 初起之地無涉史誤以阿勒楚喀為按出虎又
 誤以按出虎為金外國初稱為內地天眷元年
 錯附會殊不足據也

號上京海陵遷都於燕削上京之號止稱會寧

府大定十三年復為上京其山有長白青嶺瑪

竒

滿洲語蠹纓也舊作馬紀今改正

嶺溫都爾

蒙古語高也舊作完都魯今改

正水有阿勒楚喀混同拉林松阿哩鴨子河

按此

則金上京正我朝創業之地並詳後山川門府一領節鎮四防禦一

縣六鎮一舊有會平州天會二年築契丹之珠

敦

滿洲語山梁也舊作周特今改正

城也後廢其宮室有乾元

殿

天會三年建天眷元年更名皇極

慶元宮

天會十三年建殿曰辰居門曰景輝

天眷元年安太祖朝殿天眷元年建殿曰敷德門曰延光寢殿曰宵衣

書殿曰稽古又有明德宮明德殿皇統二年涼殿建門曰延

福樓曰五雲殿曰重明東廡南殿曰東華次曰廣仁西廡南殿曰西清次曰明義重明後東殿

曰龍壽西殿曰奎文時令殿及其門曰奉元有泰和殿武德殿薰風殿行宮有天

開殿約羅蒙古語皂鵬也舊春水之地有混同作交刺今改正

江行宮興聖宮德宗所居也天德元年永祚宮名為興德宮後改名

睿宗所居也光興宮世宗所居也正隆二年命吏部郎中蕭彥良盡毀舊址大定二

十一年復修建二有皇武殿擊毬校射有雲十二年以甃束城之所也

錦亭有臨漪亭

為龍鷹之所在
阿勒楚喀水側

金史金之先居肅慎

另條見前

地有混同江長白山

混同江亦號黑龍江

按混同江為松阿哩烏拉
黑龍江為薩哈連烏拉原

係二水而史合言之蓋
因二水下流會合故也

所稱白山黑水是也始

祖居完顏部布爾噶水之涯弟博和哩居扎蘭

滿洲語隊伍也
舊作耶懶今改

至獻祖徙居海古勒水始有棟

宇之制遂定居於阿勒楚喀之側昭祖耀武至

於青嶺白山順者撫之不從者討之

按白山為
肅慎舊壤

第部族散居昭景祖稍後屬諸部自白山葉赫

祖始統屬之耳舊作耶悔今改正按國初有葉赫國因居葉

赫河邊遠為國名此與白山圖們並言蓋亦部

族之居近圖們舊作統門今改正按圖們江在

是河者寧古塔城南六百里源出長白

山東北流繞朝鮮北見前遼五

界復東南折入海國部條

之長皆聽命時遼邊民有逃而歸者鐵驪見前

條烏舍之民亦來歸前後願附者衆鄂敏滿洲

也舊作幹水富察舊作滿察今從八部特克紳

混今改旗姓氏通譜改

特布滿洲語特克紳整齊也特布水完顏部圖

裝載也舊作泰神忒保今改

們水溫特赫

舊作溫迪痕今從八旗姓氏通譜改

部舍音水完顏

部皆來附

金史太祖進軍次寥晦城諸路兵皆會於拉林水遇遼軍敗之進軍寧江州諸軍填塹攻城十

月朔克其城鐵驪部來送款次拉林城拜格蒙古

語今其停止也舊

作釐古今改正之長和索哩

滿洲語麋皮也舊作胡蘇魯今

改以城降

按松漠紀聞上京至拉林一百五十里拉林至混同江一百十里太祖會

兵拉林河克寧江州進次拉林城則寧江城正與拉林河相近

金史太宗天會二年四月以實古納

蒙古語審問也舊作

實古迺今改正所築上京新城名會平州

金史熙宗天眷元年八月以京師為上京府曰

會寧舊上京為北京十一月以康宗以上畫像

工畢奠獻於乾元殿十二月新宮成二年九月

初居新宮立太祖原廟於慶元宮皇統三年初

立太廟社稷

按史所云舊上京據大金國志蓋遼之上京也

松漢紀聞自上京至燕二千七百五十里

按自京

師至 盛京一千五百餘里 盛京城至吉林
八百餘里 阿勒楚喀河源在吉林東北三百里
綜計之與此 三十里至會寧頭鋪四十五里至
約畧相合

第二鋪三十五里至阿薩爾

蒙古語闕也舊作阿薩今改正

鋪

四十里至拉林河四十里至巴達

滿洲語張大也舊作報打

今改 正 鋪七十里至賓州渡混同江

按此與北盟會編行程錄

所載里數俱同可見金之上京實在今寧古塔
之西混同江之東其去混同江二百六十里以
今道里按之當在色齊窩集嶺上有故城址相
傳為金時闕門蓋自船廠東十里過混同江至
尼什哈站三十里至交蜜峯四十里至額赫穆
站十里至納穆窩集三十里至山神廟五十里

至拉發站七十里至推北站三里至色齊窩集
又東三百九十里至寧古塔色齊窩集在吉林
城外混同江東二百四十餘里而拉林河源之
拉林山在城東北二百四十五里阿勒楚喀河
源之嘉松阿山在城東北三百里俱屬相近
本朝康熙十六年寧古塔章京薩布素以繩量
道里兩度為丈百八十丈為里自寧古塔西關
門量至吉林東關門凡九萬八千丈為五百五
十里後分八站作六百三十里雖古
今里數未必盡同然正約畧可見耳

北盟會編出榆關以東第三十八程至拉林河

皇輿全圖拉林河在阿勒楚喀河之西相去
不過百餘里據此自拉林一程至上京與松漢
紀聞言相去一百五十里者合終日之內山無
則按出虎之為阿勒楚喀無疑

寸木地不產泉又行五里至矩古

唐古特語矩十數也古身

也舊作句派今改

貝勒寨第三十九程至館去上京尚

十里餘翌日馬行可五七里一望平原曠野又

一二里云近闕去織蓋復北百餘步有阜宿圍

繞高丈餘皇城也至門就龍臺下馬行入宿圍

朝見即捧國書自山棚東入山棚左曰桃源洞

右曰紫極洞中作大牌題曰翠微宮高五七尺

以五綵間結山石及仙佛龍象之形殿七間甚

壯額曰乾元殿階高四尺許階前作壇方數丈
名龍墀

北盟會編自拉林河國主所居東行約五百里
皆平原草莽絕少民居每三五里之間有一二
族帳每族帳三五十家

許元宗奉使行程錄雄州啓行第三十三程自黃
龍府東行二百十里至古烏舍寨寨枕混同江
湄寨前高岸有柳樹沿路設行人幕次於下金

國太師李靖所居靖累使宋朝此排中頓飲食
精細時當仲夏藉樹蔭俯長江槃薄少頃殊忘

鞍馬之勞過江四十里宿呼勒希

見前卷

寨三十

六程自呼勒希寨東行五里契丹與女真舊界

也八十里至拉林河行終日無寸木地不產泉

人携水以行渡河五里至矩古貝勒寨第三十

七程自矩古寨七十里至達河寨第三十八程

自達河寨四十里至布達

見語佛也舊作
蒲捷今改正

寨三

十九程自布達寨二十里至烏舍

解見前此訛兀室今併改

郎君宅又三十里至館此去北庭尚十里

按此與北

盟會編所載里數皆同自雄州起至金都會寧府共二千七百五十里上京宮闕在拉林河東

一百七十五里正與阿

勒楚喀河源相近也

大金國志女真世居長白山之東南隣高麗北接室

韋西界渤海東瀕海國初城郭散居呼曰皇帝寨國

相寨太子莊後升曰會寧府建為上京其遼之上京

改作北京城邑宮室無異中原州縣守制度草創

大金國志皇統六年春三月上以上京會寧舊
內太狹役五路工匠撤而新之規模倣汴京

大金國志天德四年自會寧遷都於燕以舊上
京為北京

元一統志混同江自長白山北流經建州

另條
見前

西五十里會諸水東北流經故上京下達五國
城北又東北注於海

會寧府

金史會寧府初為會寧州太宗以建都升為府

天眷六年置上京留守司以留守帶本府尹兼

本路兵馬都總管後置上京海蘭

寧古塔河名
舊作曷懶今

改等路提刑司戶三萬一千二百七十東至呼

爾哈

寧古塔河名舊
作胡里改今改

路六百三十里

按今自吉
林烏拉至

寧古塔城七站六百
五里亦約畧相同也

北至夫餘

另條見前舊作
滿與今改正

路七百里東南至率賓

舊作恤品
今改詳後

路一千六百

里

按渤海以率賓故地為率賓府領華蓋建三
州明統志率賓河在建州東南路名當取諸

此上京廣輪千里有餘白山黑水
皆在焉即我朝肇興之地也
南海蘭路

一千八百里

按元史云海蘭路南近高麗考海
蘭河凡數處今取其近高麗者又

原文脫南字
今據元史增

縣三會寧縣

倚

與府同時置有長

白山青嶺瑪竒嶺巴延

滿洲語富也舊
作勃海今改

淀綠野

淀阿勒楚喀河混同江有得勝陀國言額特赫

噶珊

舊作忽土釐葛蠻今改正滿洲語類
特赫勝也噶珊村也原解是而譯訛

太祖

誓師之地也曲江縣初名鎮東

按今寧古塔城
西南八十里有

蓮花池相傳為
金時之曲江

大定七年置十三年更今名宜

春縣大定七年置有鴨子河

元一統志長白山在舊會寧縣南六十里

按長白山

橫亘千里而望祭之溫德亨山實在吉林城西南九里則會寧即吉林之地明矣

元一統志上京故城古肅慎氏地渤海

另條見前

大

氏改為上京金既滅遼即上京建邦設都後改

會寧府京之南曰建州京之西曰賓州

舊作濱州蓋傳

寫之誤今改正

又西曰黃龍府

原文此下云即渤海之忽汗郡後為龍泉府即

渤海之上京忽汗州也忽汗為寧古塔之呼爾哈河此殊舛誤今刪去附訂於此

元史開元路古肅慎之地隋唐曰黑水靺鞨

另條

見前東瀕海南界高麗西北與契丹接壤即金祖

之部落也

據此則元初開元一路所轄至廣凡吉林寧古塔等地皆在其中矣

金太祖既滅遼即上京設都海陵遷都於燕改
為會寧府

肇州

金史肇州防禦使舊珠赫

舊作出河解見前

店也天會

八年以太祖兵勝遼肇基王迹於此遂建為州

天眷元年置防禦使隸會寧府海陵時嘗為濟州支郡承安二年復以太祖神武龍興之地升為節鎮軍名武興五年置漕運司以提舉蕪州事後廢軍貞祐二年復陞為武興軍節鎮置招討司以使蕪州事戶五千三百七十五縣一始

興換與州同時置有鴨子河黑龍江

按此所云黑龍江實

指混同江而言蓋州下流會合致誤詳見前混同江一名黑龍江注

金史遼蕭嘉哩

滿洲語巡察也舊作札里今改

托卜嘉

滿洲語膝也舊

作捷不野今改等將步騎十萬會於鴨子河北太祖自

將擊之黎明及河遼兵方壞陵道選壯士十輩

擊之大軍繼進遂登岸與敵遇於珠赫店會大

風起塵埃蔽天乘風擊之遼兵潰逐至沃楞

滿洲

語水紋也僞作幹論今改灤殺獲無算遼人嘗言女真兵若

滿萬則不可敵至是始滿萬云

北盟會編遼天慶四年金太祖會集諸部全裝
軍二千餘騎首破混同江之寧江州大敗渤海

之衆獲甲馬三千又敗蕭嗣先於珠赫店及拉

林河黃龍府咸州好草峪四路都統誅斬不可

勝計

據此則肇州在拉林河之東吉林之北

元一統志上京之北曰肇州治始興縣金皇統

三年置

按置州年號與金史異史言黑龍江在州境與所言上京之北正合又金火帝

紀即稱混同一名黑龍江故
史名以混同江為黑龍江

隆州

金史隆州利涉軍節度古夫餘之地遼太祖時

有黃龍見遂名黃龍府

另條詳前

天眷三年改為濟

州以太祖來攻城時太軍徑涉不假舟楫之祥

也置利涉軍天德二年置上京路都轉運司四

年改為濟州路轉運司大定二十九年更今名

貞祐初升為隆安府戶一萬一百八十縣一利

涉

倚

與州同時置有混同江拉林河鎮一

原本不載

鎮名與縣同時置有混同館

金史收國元年正月上率兵趨達嚕噶

詳見前

城

次寧江州西逐北至阿嚕

蒙古語山陰也
舊作阿婁今改

岡三

月辛未朔獵於寥晦城七月九百奚營來降八

月親征黃龍府次混同江無舟上使一人前導

乘赭白馬徑涉曰視吾鞭所指而行諸軍隨之

後使舟人測其渡處深不得其底熙宗天眷二

年以黃龍府為濟州軍曰利涉蓋以太祖涉濟

故也九月克黃龍府班師至江徑渡如前丁丑

至自黃龍府已卯黃龍見空中

金史天輔二年以羅索言黃龍府地僻且遠宜重戍守乃合諸穆昆以羅索為萬戶鎮之

金完顏羅索碑天會八年葬於濟州之東南昂

吉里

按羅索墓在今吉林城西北二百餘里博屯山北無名小山此濟州之東南界也濟

州即遼之黃龍府據詐亢宗奉使行程錄黃龍府在拉林河西三百三十五里餘詳前黃龍府條

松漠紀聞自上京百五十里至拉林河一百十里至賓州渡混同江七十里至北易州

按易州當即益

州音相
同而誤

五十里至濟州東鋪二十里至濟州一

百八十里至信州北

信州

金史信州彰信軍刺史本渤海懷遠軍

另條
見前

遼

開泰七年置戶七千三百五十九縣一武昌本

渤海懷福縣地鎮一八千戶

元一統志信州在黃龍府西治武昌縣金皇統

三年置

全遼志開原東北至信州三百十里

按信州故城在今科

爾沁左翼東南三百八十里周一里門八土人猶呼信州城

夫餘路

金史夫餘路國初置萬戶海陵例罷萬戶改置節度使承安三年設節度副使南至上京六百里七十里東南至呼爾哈路一千四百里北至和

羅和屯

滿洲語和羅谷也和屯城也舊作火魯火噎今改

三千里

按開原東

北千餘里皆古夫餘國之境此路之所由名也餘並詳前夫餘條

金史金之封疆東極濟喇敏

滿洲語厚也舊烏

達噶

蒙古語次數也舊

之境北自夫餘路之北

三千餘里和羅和屯穆昆地為邊

元史夫餘

舊訛浦峪今併改

路屯田萬戶府世祖至元

二十九年十月以蠻軍三百戶女真一百九十

戶於咸平府屯種三十年命本府萬戶領其事

仍於楚勒罕

滿洲語閱兵也舊

拉林

舊訛刺憐以音與地

考之當即今拉林河今併改

等處立屯仁宗大德二年撥蠻

軍三百戶屬肇州蒙古萬戶府止存女真一百

九十戶依舊立屯為田四百頃

按元之蒲峪即金之蒲與音近

而字異也元時無此路名蓋仍金舊

海蘭路

金史海蘭路置總管府貞元元年改總管為尹

仍兼本路兵馬都總管承安三年設副總管有

伊勒呼

滿洲語一順也舊作移鹿古今改

水西北至上京千八

百里東南至高麗界五百里

按吉林寧古塔界內國初猶有海

蘭路之名又皇與全圖海蘭河不一其與高麗相近有安巴海蘭必喇阿濟格海蘭必喇在寧古塔南四百一十里合流入布爾哈圖河以達噶哈哩河又寧古塔城西北二百里有海蘭窩集綿亘數百里別有海蘭河出焉東流入呼爾哈河則元時海蘭所碩達勒達路明時海蘭衛所在與金時海蘭路之南近高麗者似非一處然今寧古塔城南至圖們江朝鮮界六百里而南北皆有是河則自海蘭窩集延袤至大小海蘭河其皆金時海蘭路一帶舊境歟

金史景祖時海蘭

舊作孩懶音之轉也今併改

烏凌阿

舊作烏林

答今從八旗姓氏通譜改

部錫馨

滿洲語房簷也舊作石顯又作星顯今改

拒阻

不服攻之

金史景祖為人寬恕海蘭水有率衆降者錄其
歲月姓名即遣去俾復其故

金史自景祖以來兩世四主志業相因卒定離

析一切治以本部法令東南至於伊勒呼海蘭

扎蘭扎卜古倫東北至於五國矩威

唐古特語
矩十數也

威中也舊作
主威今改

圖塔

滿洲語存留也
舊作禿吞今改

金蓋威於此

金史穆宗末年德濟

滿洲語上分也舊
作達紀今改正

誘扇邊

民海蘭甸人執之康宗遣使撫納

金史康宗四年高麗築九城於海蘭甸以兵數

萬來攻幹色

滿洲語瓦也舊作幹寨今改

敗之亦築九城與

高麗九城相對高麗復來攻幹色復敗之高麗

約以還逋逃之人退九城之軍復所侵故地乃

罷兵

按皇興全圖鳳凰城東南有九連城與朝鮮之義州愛州相近當即其遺址也

金史收國三年海蘭甸長城高麗增築三尺詔

慎固營壘

金史天會二年海蘭路軍帥呼嚕古

蒙古語手指也舊作

忽判古
今改等言往者歲捕海狗海東青鴟鵠於高

麗之境近以二舟往彼乃以戰艦十四要而擊
之盡殺二舟之人上曰以小故起戰爭甚非所
宜今後非奉命毋輒往

金史天會九年正月命以圖們水以西和屯錫

馨

並見
前珊沁 滿洲語山寨也
舊作倭蠢今改

三水以北間田給

海蘭路諸穆昆

元一統志海蘭河經渤海建州東南一千里入

於海

率賓路

金史率賓路節度使遼時為率賓府置刺史本

率賓故地

詳前渤海
率賓府條

太宗天會二年以扎蘭路

都貝勒所居地瘠遂遷於此以海陵例罷萬戶

置節度因名率賓路節度使世宗大定十一年

以扎蘭率賓相去千里既居率賓不可忘本遂

命名親管明安曰扎蘭明安承安三年設節度

副使西北至上京一千五百七十里東北至呼

爾哈一千一百里西南至海蘭一千二百里北

至邊界二千里

金史昭祖耀武至率賓扎蘭之地所至克撻

金史穆宗時圖們琿春

舊作溧鑫今改正按琿春河在寧古塔東南圖

們江之東

水之交烏庫哩

舊作烏古論今從八旗姓氏通譜改

部埒克

滿洲語礪石也舊作留可今改

卓多

滿洲語織也舊作詐都今改

與率賓水

烏庫哩達薩塔

滿洲語整理也舊作敵庫德今改

起兵於穆魯

密斯罕

滿洲語穆嚕形像也密斯罕墨線也舊作米里迷石罕今改

城太祖

往攻破之撫寧諸路如舊因致穆宗教圖們環

春葉赫錫馨四路及嶺東諸部自今勿復稱都

部長

金史康宗使碩碩歡

滿洲語總也舊作石過歡今改

撫定邊民

率賓水民不聽命使威泰

蒙古語有記性之謂舊作幹帶今改

等至和囉噶

蒙古語圜也舊作活羅海今改

川召諸官僚告

諭之率賓水居沃赫

滿洲語石也舊作幹噐今改

貝勒不至

烏塔

滿洲語奶糕也
舊作烏塔今改

伐沃赫克之

金史太宗天會二年二月命徙扎蘭路都貝勒

完顏忠於率賓水

哈斯罕路

金史哈斯罕

解見前卷

路置節度使天會七年徙治

寧州嘗置都統司明昌四年廢有化成關

通考遼遷女真大姓於遼陽之南而著籍馬使

不得與本國往來謂之哈斯罕

按金史哈斯罕
在遼陽府之長

宜鎮及益州等處又河西亦有之蓋又別經遠徙者耳

金史呼寶默

滿洲語包裹也舊作胡十門今改

以哈斯罕歸太

祖自言始祖兄阿庫納

滿洲語普遍也舊作阿古迺今改

後

金史天輔三年五月詔咸州路都統司曰兵興

以前哈斯罕輝發

舊作四怕里又作四霸今改正詳下咸平府條內

與

係遼籍不係遼籍女真戶民有流竄邊境或亡

入於遼者當行理索可明諭諸路千戶穆昆徧

與詢訪其官稱名氏地里具錄以上

金史天會二年命南路軍帥以甲士千人益哈
斯罕路以備高麗

金史天會七年十一月徙哈斯罕都統司治寧
州

元史至元二十六年分京師應役新附軍一千
人屯田哈斯罕關東荒地

呼爾哈路

金史呼爾哈路國初置萬戶海陵例罷萬戶乃

改置節度使承安三年置節度副使西至上京

六百三十里北至邊界哈喇巴圖

蒙古語哈喇
黑色也巴圖

結實也舊作合
里賓忒今改

千戶一千五百里

按呼爾哈路
為渤海東京

詳見前
渤海條

金史天會六年徙昏德公重昏侯於韓州八年

徙呼爾哈路

烏爾古德呼勒統軍司

金史烏爾古德呼勒統軍司後升為招討司與

夫餘路近

按烏爾古德呼勒為遼國外十部之二烏爾古一部德呼勒八部不能成

國附庸於遼時叛時服各有職貢猶羈縻州也見於遼營衛志部族表史言與夫餘路近當俱

在吉林

之北

咸平路 咸平府

金史咸平路府一領刺郡一縣十

金史咸平府總管府安東軍節度使本高麗銅

山縣地遼為咸州國初為咸州路置都統司天德

二年八月陞為府後為總管府置遼東路轉運

司東京咸平路提刑司戶五萬六千四百四縣

八平郭縣倚 舊名咸平 大定七年更銅山縣 遼

同州本漢襄平縣 遼太祖時以東平寨置南有

柴河北有清河 西有遼河按柴河在今鐵嶺縣城北二里清河在今

開原縣城南二里俱西入遼河則銅山一縣正在開原之南鐵嶺之北也 新興縣 遼

銀州本渤海富州另條 熙宗皇統三年廢州更

名來屬南刻本脫南字 有范河北有柴河西有

遼河按范河在今鐵嶺縣城南三十里清河在開原縣城南二里則新興固北與銅山按

界在鐵嶺地為多又鐵嶺縣東有故新興城則
遼時所置金仍其名而稍移其地詳見前鞋襪
及渤海富慶雲縣遼祺州本以所俘密雲民建
州條內

州名密雲後更名有遼河

按今有慶雲堡在開
原縣城西亮子河由

此入開
原境

清安縣遼肅州熙宗皇統三年降為縣

按清安本遼肅州縣
名見前遼東京條

崇安縣東有遼河歸仁縣

遼舊隸通州本渤海強師縣

另條
見前

遼更名金因

之北有細河玉山縣章宗承安三年以穆蘇集
平郭林河之間相去六百餘里之地置貞祐二

年四月升為節度軍曰鎮安

金史烏楞古

舊作幹魯古
古解見前

敗遼軍於咸州西斬遼

統軍於陣完顏羅索克咸州

通考契丹時自咸州東北分界入山谷至粟末

江中間所居之女真隸咸州兵馬司與其國往

來無禁謂之輝發

舊作回霸今改正按國初
輝發國於輝發河邊扈爾奇

山築城以居因號輝

發國其名當本於此

金王寂遼東行部志慶雲縣本遼祺州歸仁縣

遼安州柳河縣舊韓州也先徙州於奚營後改
為縣以地近柳河故名之乙亥次韓州州故城
在遼水側常苦風沙移於白塔寨又為遼水所
侵移於今柳河縣又以地非衝途徙於舊九百
奚營即今所治是也丁巳次哈達舊作胡底
今改正千
戶寨哈達漢言山也按哈達滿洲語奉也
此解近是而實誤以寨
居山下故名戊午次達巴罕舊作南謀
懶今改正千戶寨
達巴罕漢言嶺也以其近分水嶺故名己未次

桑阿

舊作松瓦今改正

千戶寨桑阿者城也

按滿洲語桑阿扎也

此解為城誤

寨近高麗舊城故名辛酉次布拉克

舊作

關羅今改正

寨布拉克漢語煖泉也

按蒙古語布拉克泉也此解近

似

以山間流水一股經冬不冰故名壬戌次奎千

戶寨奎漢言清河也

按蒙古語奎村莊也與清河無涉此解誤

宿雅

喀喇庫

舊作耶塔刺虎今改正

寨漢言火鑪火石

按滿洲語雅塔

喇庫火鑪也

癸亥次和勒敦

舊作和魯奪徒今改正

千戶

此解近似

寨和勒敦漢言松山也

按滿洲語和勒敦果松也此解近似

宿茂

摩囉

舊作蒙古
魯今改正

寨漢語木孟子也

按滿洲語茂
摩囉木碗也

庚子次博囉和屯

舊作莫里合
土今改正

千戶寨博囉和

屯漢言范河也

按博囉蒙古語青也和屯
滿洲語城也此解殊誤

辛丑

次咸平府宿府治之安忠堂遼為咸州本朝初

置咸州詳衮司後升咸平府己酉宿清安縣治

之生明堂世傳遼時為肅州本朝為縣甲寅宿

銅山縣遼之同州也本朝為東平縣焉

松漠紀聞自信州之北西行三百七十里至咸

州南鋪四十里至同州南鋪四十里至銀州南鋪五十里至興州四十里至蒲河四十里至潘州

按自咸州至潘州二百里咸州應在今開原站威遠堡之間以今道里計之奉天府四十里至蒲河三十里至懿路站六十里至鐵嶺縣六十里至開原縣即遼同興等州所轄之地又十五里至開原站十五里至威遠堡門許元宗奉使行程錄潘州七十里至興州興州五十里至銀州銀州四十里至咸州咸州北行九十里至同州同州四十里至信州與洪皓所記異蓋地本犬牙相錯而取道之南北亦時有不同也

元一統志咸平府秦築障塞以限要荒漢唐嘗

置都督府負山阻河控制東土

元一統志遼河從咸平府界流經瀋陽西北達

廣寧路境

按遼河出吉林西北窩集為赫爾蘇河合諸水北流自赫爾蘇邊門至科

爾沁界又西北繞鄒子村又西南折與潢河會
遂西南流至開原明安貝勒屯東十里入邊以
達於鐵嶺承德自威遠堡門東行九十里至葉
赫站八十里至赫爾蘇站此咸平府東北之界
也其北境出開原邊外與韓
州為鄰韓州金隸咸平府

元一統志清安縣故城在咸平府西北舊肅州

金皇統三年改為縣後廢城址猶存歸仁縣故

城在咸平府北舊安州

見前遼東京條

皇統三年改為

縣後廢城址猶存

元一統志銅山郡故城在咸平府南後廢

按此即金

之銅

山縣

韓州

金史韓州刺史遼置東平軍本渤海鄆頡府

另條

見前戶一萬五千四百一十二縣二臨津倚未詳

何年置柳河本渤海粵喜縣

另條見前

遼以河為名

枸河柳河

按元一統志第言地近柳河 盛京通志有柳河而無枸河惟遼河一名

巨流一名句驪又名枸柳河相傳謂是枸河柳河合流之處今考柳河源出遼陽州城東北西北流入十里河十里河舊名稠柳河源出遼陽城北西北流至楊家灣合沙河入渾河渾河入遼河則枸河或即十里河但十里河與柳河合流之處去巨流河尚遠而遼河之大豈因二小水得名舊志未足為據句驪巨流枸柳音相同而字異實即遼河而金史誤分枸柳為二河耳考遼河自吉林西四百餘里庫勒納窩集發源西北流至科爾沁左翼東南四百五十里經額爾沁山又西北流入左翼後旗界又西南流合潢河入開原邊韓州故城當與今科爾沁左翼東南四百七十里之阿里瑪圖城相近科爾沁陪唐屬粵喜鞞鞞其地有遼河並無柳河也餘詳鞞

鞞及渤海鄭頡府條又土默特右翼有柳河東南流入大凌河地雖近於韓州然與遼河柵柳之稱又不相涉

元一統志臨津縣廢城在咸平府遺址猶存柳河縣以近柳河故名今城址猶存

金東京 遼陽府

金史東京路府一領節鎮一刺郡四縣十七鎮
五皇統四年立東京新宮

金史遼陽府東京留守司本渤海遼陽故城

詳前

渤海

遼名東京

詳前遼東京條

太宗天會十年改南京

路平州軍帥司為東南路都統司之時嘗治於

此以鎮高麗後更置留守司縣四遼陽縣侍有

東梁河國名烏勒呼

滿洲語蘆葦也舊作兀魯忽今改

必喇俗

名太子河鶴野縣宜豐縣遼舊衍州詳前遼東京條皇

統三年廢為縣有東梁河石城縣興定三年九

月以縣之靈巖寺為巖州名其倚郭縣曰東安

置行省鎮一長宜哈斯罕在其地

元史遼陽路唐以前為高麗及渤海所有梁貞

明中契丹太祖以遼陽故城為東平郡後唐升

為南京石晉改為東京

按後唐石晉不應置京邑于遼陽史殊舛錯

蓋並係遼事當五代為唐晉時耳

金置遼陽府

澄州

金史澄州南海軍判史本遼海州

詳前渤海及遼東京條海

州原文詠海軍今改正

天德三年改州名縣二臨溟析木

遼銅

原本記同據遼史改

州附郭析木縣也皇統三年廢

州來屬有沙河鎮一新昌

潘州

金史潘州昭德軍刺史本遼定理府

詳前渤海及遼東京

條地明昌四年與通貴德澄三州皆隸東京縣

五樂郊有渾河章義遼舊廣州皇統三年來屬

有遼河東梁河遼河大口遼濱遼舊遼州皇統

三年廢為縣挹婁遼興州常安縣本挹婁故地

另條大定二十九年更名有范河清河國名奎

見前

必喇舊作叩隈必喇解見前雙城遼雙州皇統三年降為

縣章宗時廢

貴德州

金史貴德州刺史遼置

詳前渤海及遼東京條

縣二貴德

倚有范河奉集遼集州奉集縣本渤海舊縣有

渾河

蓋州

金史蓋州奉國軍節度本高麗蓋葛牟城遼辰

州

詳前渤海及遼東京條

明昌四年罷哈斯罕建辰州六

年以與陳同音更名縣四湯池遼鐵州湯池縣

建安遼縣秀巖本大寧鎮明昌四年陞泰和

四年廢貞祐四年復置

按秀巖即今岫巖城

熊岳遼盧州

熊岳縣鎮二神鄉大寧

即秀巖

復州

金史復州刺史遼懷遠軍節度明昌四年降為

刺史縣二永康倚化成遼蘇州皇統三年降為

縣來屬貞祐四年陞為金州鎮一歸勝

來遠州

金史來遠州舊來遠城

見前遼東京條

本遼熟女真地

大定二十二年升為軍後為州

博索府

金史博索

滿洲語山陰也
舊作娑娑今改

府初置統軍司天德

二年置總管府貞元年與海蘭路總管並為

尹兼北路兵馬都總管此路皆明安戶

元史元初以博索府廣寧府等作四路至元十七年以博索府屬遼陽行省後廢博索府為巡

檢司

元史東寧路本高句驪平壤城高麗王建以為西京元至元六年李廷齡等以府州縣鎮六十

城來歸八年改西京為東寧路割靜州義州麟

州威遠鎮隸博索府

按此為高麗之平安道義州在鴨綠江入海之處平

壤西北四

百二十里

唐賈耽道里紀登州東北海行入鴨綠江口舟

行百餘里又小舫沂流三十里至泊汊口得渤

海之境

按此自登州海行之路

渡遼水五百里至安東都

護府府故襄平城也

按襄平漢縣名在遼陽北七十里漢遼東郡治東

南至平壤城八百里西南至建安城三百里故

平郭縣也南至鴨綠江北泊汊城七百里故安

平縣也

按此為自營州陸行之路安平係西安平泊汊口泊汊城當即博索二字之轉

音也唐貞觀二十二年薛萬徹伐高麗圍泊汊城而還即此據賈耽所紀城在鴨綠江北西南

去鴨綠江入海處僅百三十餘里元時所以割
高麗之義州來屬也漢志稱馬訾水由西安平
入海馬訾即鴨綠江元一統志亦稱鴨綠江由
博索府東南入海則博索之本於泊洵明矣

元一統志大蟲江在遼陽路發源縣東南之龍
鳳山分水嶺下東南流經廢博索府南流合於

鴨綠江

元一統志斜江在遼陽縣東按圖冊源自長白
山南流經廢博索府東十里流入於海

元一統志鴨綠江源出長白山西南流經廢博

索府東南入於海

明一統志博索府在遼東都司東四百七十里

金置總管府元省

按自遼陽城守東南至鳳凰城守界一百九十里鳳凰城

東南至義州江一百二十里為朝鮮界凡三百十里明志稱鳳凰城在遼東都司東南三百五十里博索府應在鳳凰城東一百餘里

謹案金祖肇興白山黑水疆域表延即我

朝創業之地金獻祖徙居與阿勒楚喀河源相近

其地在寧古塔之西混同江之東太宗建為上

京府曰會寧以金史所記里至及洪皓松漠紀
聞徐夢莘北盟會編所載行程考之上京城去
混同江二百六十里去拉林河一百五十里寧
古塔西六百三十里吉林城東北二百餘里當
在今色齊窩集左右今色齊窩集嶺上有故城
遺址相傳為金時闕門其明證也上京路所轄
京之北曰肇州金太祖首破遼兵於此京之西
曰濟州太祖乘馬涉混同江之所又西則信州

在今科爾沁界夫餘路在肇州之北率賓路在
上京之南海蘭路又在率賓東南呼爾哈則寧
古塔之境哈斯罕在遼陽之南咸平府在開原
鐵嶺間而會寧一府實居其中若朝鮮北境之
會寧府則割襲其名初不相涉東京之置雖承
遼舊省併實多博索府路則金所創置尤與高
麗毗連以地與音考之即唐賈耽所紀之泊沟
口泊沟城去鴨綠江海口不遠也史述契丹人

言金人滿萬則不可敵金祖始以一成之旅仗
義興師遼人望風奔潰又何待滿萬始不可敵
哉良由山川靈異騎射精嫻上下協心人皆勁
旅故能滅遼臣宋號令寰區億年之

王氣所鍾前代之幅員可溯按其方域詳臚如右云

欽定滿洲源流考卷十二

欽定四庫全書

欽定滿洲源流考卷十三

疆域 六

元瀋陽路

元史瀋陽路本挹婁

另條見前

故地渤海建定理府

另條見前

都督瀋定二州此為瀋州地契丹為興遼

軍

另條見前

金為昭德軍

另條見前

後皆燬於兵火元初

平遼東高麗國麟州神騎都領洪福源率西京

都護龜州四十餘城來降各立鎮守司設官以撫其民後高麗復叛洪福源引衆來歸授高麗軍民萬戶徙降民散居遼陽瀋州初創城郭置司存僑治遼陽故城中統二年改為安撫高麗軍民總管府及高麗舉國內附又以質子溥為安撫高麗軍民總管分領二千餘戶理瀋州元貞二年併兩司為安撫高麗軍民總管府仍治遼陽故城

開元路

元史開元路古肅慎

另條見前

之地隋唐曰黑水靺

鞨

另條見前

唐置黑水府其後渤海

另條見前

盛靺鞨皆

後屬之又其後渤海寔弱為契丹所攻黑水復

有其地東瀕海南界高麗西北與契丹接即金

始祖之部落也太祖既滅遼即上京設都金末

其將布希

舊作蒲鮮今從八旗姓譜改正

萬努

舊作萬奴今改正

據遼

東元初癸巳歲出師伐之生擒布希萬努師至

開元率賓東土悉平開元之名始見於此乙未

歲立開元南京二萬戶府治黃龍府至元四年

更遼東路總管府二十三年改為開元路領咸

平府後割咸平為散府俱隸遼東道宣慰司

按開

元本金上京境內地名元兵至此遂定其地而故上京一帶俱已殘毀因改建開元路非開元

即上京也其初寄治黃龍府後徙於今開元縣地明初因以設衛亦非今開原縣即黃龍府也

俱詳見前金上京條

元史中統三年割遼河以東隸開元路四年罷

開元宣慰司

元一統志開元路南鎮長白之山北浸鯨川之海三京故國五國舊城亦東北一都會也

元一統志開元勁健善戰習尚射獵

咸平府

元史咸平府古朝鮮地遼平渤海以其地多險

隘建城以居流民號咸州

另條見前

金升咸平府領

縣六

另條見前

兵亂皆廢元初因之隸開元路後復

割出隸遼東宣慰司

元史至元二十五年增軍成咸平府以察罕伊

埒薩哈勒

蒙古語察罕白色也伊埒明顯也薩哈勒巔也舊作察忽亦兒思合今改

正言其地舊邊徼請益兵以備不虞故也

海蘭府碩達勒達等路

元史海蘭

詳前金上京條

府碩達勒達

滿洲語隱避處也舊作水達達

今改等路土地廣濶人民散居元初設軍民萬

戶府五撫鎮北邊一曰屯

舊作挑温今改正按屯河在今寧古塔東

北七百里源出屯池南流入混同江明永樂二
年曾置屯河衛及千戶所備即其地猶唐之羈

廩州也 距上都四千里

舊訛四十里按元上都與海蘭府相去甚遠訛誤顯

然今改正

一曰呼爾哈

今寧古塔河名見前渤海及金上京條

距上都

四千二百里大都三千八百里有呼爾哈江并

混同江又有海蘭河流入於海一曰鄂多理

舊作

幹朵憐今改正按明太祖實錄遼陽至琿輝理之地三千四百里琿輝理至鄂多理一千里鄂

多理城在開元東北千二百里有理河出城南城在開元東北千二百里有理河出城南諸山

北入混同江明永樂十一年嘗置衛考理河在吉林城南六百七十里源出吉林城南之勒克

山東流會兩訥音河入混同江明人所識地理皆傳聞約畧之詞未足為據鄂多理城為我

朝最初發祥之地在興京東一千五百里長白山之東以音與地按之均屬相合也

一曰托果琳蒙古語周圍也舊作脫斡憐今改正一曰布呼滿洲語鹿

也舊作孛苦今改正江各有司存分領混同江南北之地

其居民皆碩達勒達女真之人各仍舊俗無市

井城郭以射獵為業設官牧民隨俗而治

元一統志自南京而南曰海蘭府又南曰雙城

直抵於高麗之王京按渤海南京在海州遼南京在遼陽此所云南京而

南或僅指海蘭府治所然亦當在東
而非南也雙城亦非遠之雙城縣

肇州

元史按哈喇巴圖爾

蒙古語哈喇黑色巴圖爾
勇也舊作哈喇八都魯今

改正傳至元三十年世祖謂哈喇巴圖爾曰納廷

蒙古語八十數也
舊作乃顏今改正故地曰阿巴拉呼

蒙古語阿
巴拉呼行

圖也舊作阿八
刺忽今改正者產魚吾今立城而以伊斯琿

滿洲語迎面也舊
作元連慈今改正哈喇納蘇

哈喇解見前納蘇
蒙古語歲數也舊

作哈納思
今改正奇爾濟蘇

蒙古語奇爾班點也濟蘇
顏色也舊作乞里吉思今

正改三部人居之名其城曰肇州汝往為宣慰使

既至定市里安民居得魚九尾皆千斤來獻又

成宗紀元貞元年立肇州屯田萬戶府以遼陽

行省左丞阿薩爾

蒙古語閣也舊作阿散今改正

領其事而大

一統志與經世大典皆不載此州不知其所屬

所領之詳今以廣寧為納延分地故附於廣寧

之下

按元史以肇州沿革未詳故附廣寧之後考肇州之名實始於金太祖始破遼兵於

珠赫店之地肇基王業因創此州在開元之東北與濟州相連詳元史所云立城而以肇州名

之則非金肇州故地或
稍移西近廣寧邊外耳

元史肇州蒙古屯田萬戶府成宗元貞元年七

月以納延布拉噶齊

蒙古語捕貽人也舊
作不魯古亦今改正

及打

魚碩達勒達女真等戶於肇州旁近地開耕為

戶布拉噶齊二百二十戶碩達勒達八十戶歸

附軍三百戶續增丁五十二戶

元史仁宗大德二年撥夫餘路

另條
見前

蠻軍三百

戶屬肇州蒙古萬戶府

博索府

元史元初以廣寧府博索府

見前金上京條

懿州蓋州

作四路直隸中書省至元八年割東寧路之義

州麟州威遠鎮隸博索府十七年以府屬遼陽

後廢為巡檢司

按博索府與高麗接界當即新唐書所稱鴨綠江口之泊灼口

泊灼城也詳見

前金上京條

元史中統三年命博索府屯田軍移駐鴨綠江

之西以防海道

謹按元時省併遼東州縣分設萬戶府鎮戍其地統於遼陽行中書省所轄路凡七曰瀋陽路僑治遼陽以統高麗曰開元路所統近黑龍江東極於海而萬戶府則僑治黃龍故地曰海蘭府碩達勒達路則今吉林寧古塔之境設萬戶府分領混同江南北而鄂多里即

本朝

始祖定居之地屯河在寧古塔東北呼爾哈近繞寧古

塔城咸平府近威遠堡門肇州博索府則上承
金舊雖元一統志經世大典諸書已不復傳元
史地理志所載亦僅存其大畧然設官分域猶
可參稽若遼陽廣寧大寧三路則具載

大清一統志及

盛京通志諸書其有關於渤海遼金建置者已詳
具前各條中東寧路則本高麗之地後仍歸於
高麗茲不復載云

附明衛所城站考

謹按明初疆圍東盡於開原鐵嶺遼瀋海蓋其
東北之境全屬我

朝及國初烏拉哈達葉赫輝發諸國并長白山之
訥殷東海之窩集等部明人曾未涉其境永樂
二年倣唐羈縻州之制設尼嚕罕衛七年改為
尼嚕罕都司後又續設衛所空名其疆域遠近
原弗及知所稱山川城站亦多在傳聞疑似之

間而又譯對訛舛名目重複一地而三四名一名而三四見者甚多又如黑龍江屯河呼爾哈河等地與明邊界相去絕遠而亦列於衛所之中蓋緣諸部常以市易與明往來即其所居強名為衛書之實錄授以官稱或間有部長自來或僅部人之來貿易者前後燕復輾轉傳訛明人固無由而悉也洪惟我

國家

始興之地在鄂多理城元史訛為斡朶憐明人訛為斡朶里又訛為斡朶倫而誤分為兩地至

王迹肇基在渤海國建州

另條見前

之境故明人又有建州

之稱迨我

太祖高皇帝受

天顯命仗義龔行諸部之人率先臣僕其有藉明聲援
抗我顏行者電掃霆驅以次平殄藩遼舊壤作

我

陪都即明邊內廣寧寧遠諸衛亦不足為藩籬之
固矣今就明實錄會典所載按年臚叙其譯對
雖訛尚實有是名及一地數名複見充數者並
為考證附注於下有其名而無其地并撰造不
能成語者改對字面姑列其名而附糾其誤凡
為衛三百七十有六所二十有四城站地面五
十有八

窩集衛

舊訊兀者今改正明實錄永樂元年部
長錫揚哈舒什哈進馬直窩集衛以錫

揚哈為指揮舒什哈為指揮同知按漢魏之沃沮元之烏者吾者明之兀者其部族不一而地甚廣袁以音與地求之蓋卽窩集也國初名東海窩集部所屬有呼爾哈赫寶赫寧古塔等

路

太祖己亥

年後以次討平之

窩集左衛

明寶錄永樂二年置以部長托克托和為指揮同知

窩集右衛

明寶錄永樂二年置以部長諾海為指揮同知

窩集後衛

明寶錄永樂二年置以部長徹伯爾為指揮同知

畢里衛

明永樂三年置按畢里河在蓋平縣東南九十里

寶勒們衛

舊訛夫里綿今改正明寶錄永樂三年置按吉林城西南八百九十餘里

有實勒們河此衛與下哈
勒琿衛同置地亦相近也

哈勒琿衛

舊記處滿文今改正明實錄永樂三年置以部人綽爾布爲額爾吉納等

爲指揮等官按吉林城西南九百里有地名哈勒琿穆昆有哈勒琿河即溫水河也

薩里衛

蒙古語地鄂也舊記撒力今改正明實錄永樂三年置以巴蘭等處部人茂義

等爲指揮僉事按寧古塔城東北六百五十里有巴蘭窩集在混同江北又吉林有巴蘭河巴蘭屯又有薩里屯當卽是也

齊巴噶衛

蒙古語棗也舊記赤不罕今改正明實錄永樂三年蒙古部人寶爾哈位

爾來朝置衛以寶爾哈位爾爲指揮

屯河衛

明實錄永樂三年置按屯河在寧古塔東北

安河衛

明實錄永樂三年置按安河在呼倫布裕爾北七百里

摩琳衛

滿洲語馬也舊訛毛憐元史作末隣今改正明實錄永樂三年置

堅河衛

明實錄永樂三年置考盛京通志無此河名惟默爾根城西有糾河音與相近又寧古塔城東四里有珊延河亦書作商堅河或明人誤截稱一字耳

右城衛

明實錄永樂三年置以部長哈清阿為指揮

喀本河衛

舊訛古賁今改正明實錄永樂四年置按喀本河在呼倫布裕爾北三百

四十里

塔山衛

明實錄永樂四年置以部長達拉齊為指揮考盛京通志塔山在開元城東

二十五里明時北關所在又布爾德庫蘇巴爾漢山上有塔山皆葉赫國地明時又嘗以衛都督授哈達部主蓋哈達強時葉赫嘗屬之耳

額伊瑚衛

舊訛兀也吾今改正明實錄永樂四年置以部長多羅為指揮按自吉林

至寧古塔路程八十里至額赫穆站九十里至額伊瑚站

嘉河衛

明實錄永樂四年嘉河等處人進馬因置嘉河等三衛考皇輿全圖嘉哈必

喇在興京之南當永樂時我朝尚未定居於此耳

哈密衛

按哈密在西域不應遼藩之東有此地名而明實錄稱永樂四年因嘉河人進

馬與嘉河衛同置其訛外實不可詰考皇興全圖嘉峪必刺毗連之地有哈實瑪必喇或因

音有緩急致誤亦未可定今姑仍原文附糾其誤

温都衛

舊記幹灘今改正明竇錄永樂四年與嘉河同置原文作幹灘人訛幹難乃元

始興之地即今鄂嫩河與嘉河遠不相涉考興京西百五十里有温都河出八盤嶺入渾河

音轉而訛為幹灘耳

達喜穆魯衛

舊記塔魯木今改正明竇錄永樂四年置為葉赫國地部長祝孔額

嘗授達喜穆魯衛都督僉事即明時所稱北關也太祖乙未年滅之考葉赫相近惟達

喜穆魯山南為占尼河北為葉赫傳聞不審誤倒其音耳

蘇完河衛

舊訊蘇温今改正明寶錄永樂四年
置考國初有蘇完部太祖

戊子年來歸其故地在吉林惟
無此河名或古今有異稱也

阿蘇江衛

明寶錄永樂四年二月置
考阿蘇河在黑龍江境內

率賓江衛

舊訊速平今改正按率賓本渤海府
名金史有蘇濱水亦作恤品明一統

志恤品河在建州東南千餘里河已無考以音
求之即率賓也又今間原東南一百九十餘里
有碩賓河與率賓音亦相近疑明人不
知碩賓之即為恤品而誤傳在遠地耳

吉河衛

明寶錄永樂四年三月置以部人蕭魯
棟阿為指揮考東北河名之有吉字者

甚多此未
知所屬

雙城衛

明實錄永樂四年七月因溫托瑯等處部人吉里納入朝置雙城等五衛諸人

因市易而來並非部長不必同為一部也雙城見前海蘭府條

沙蘭衛

舊記撒刺兒今改正明實錄永樂四年七月置考沙蘭河沙蘭城沙蘭站俱在

寧古塔城西

不及百里

尼瑪拉衛

舊記亦馬刺今改正明實錄永樂四年七月置考尼瑪拉河源出納魯窩

集西流入

蘇子河

圖倫衛

舊記脫倫今改正明實錄永樂四年七月置以國初為蘓克蘓護河部地有圖

倫城

太祖

癸未年攻克之

巴延衛

舊訊卜顏今改正明實錄永樂四年七月置按吉林烏拉有巴延阿林巴延必

喇巴延鄂謨巴延站地名不一明時衛名未詳何屬

烏拉衛

舊訊兀蘭今改正明實錄永樂四年八月烏拉等處部人奇爾萬紐爾等來朝

置烏拉伊爾庫魯來朝托漢斐森四衛按國初烏拉圍城在吉林城北七十里混同江東

太祖癸丑年平其國

伊爾庫魯衛

舊訊亦兒古里今改正按伊爾庫魯噶珮在寧古塔東北

托漠河衛

舊訊脫木今改正按托漠河國初屬哲陳部太祖甲申年征哲

陳有嘉哈地人告之於是托漠河章桂巴爾達薩爾游界藩俱集兵來禦戰於渾河

太

祖率逆侍三人
敗其兵八百人

斐森衛

舊訛福三今改正與烏拉衛同
置按斐森屯在寧古塔東北

色珠倫衛

明會典訛撒竹藍明寶錄訛扎木哈
今改正永樂四年八月置以部人爲

爾布哈爲指揮按色珠倫河在
吉林城西南九百九十五里

肥河衛

明寶錄永樂四年九月置以圖河寶勒
們山等處人爲指揮等官按圖河在寧

古塔北穆遜河之西寶勒們山在阿勒楚喀城
西二百餘里皆無所謂肥河若以圖河之人官
於他部更無是理地在邊外數千里明人
又安能號令及之其誤蓋無從致詰矣

穆陳衛

舊訛密陳今改正明寶錄永樂四年十
月與布爾堪衛同置以部人照齊布哈

等為指揮按穆陳河在吉林城東南三百
十里又寧古塔城西七十里亦有穆陳河

布爾堪衛

舊記卜刺罕今改正與穆陳衛同置
按布爾堪河在吉林城南四百七十

里

扎敦衛

舊記扎童今改正明竇錄永樂四年十
一月置部人撈珠布哈等為指揮按齊

齊哈爾西六百八
十里有扎敦昂阿

薩爾澍衛

舊記撒兒忽今改正永樂四年十一
月置考薩爾澍城屬蘇克蘇護河部

未年攻克之
太祖癸

哈達河衛

舊記罕荅今改正明竇錄永樂四年
十一月置考哈達河在吉林城西南

六百里由英額門入開原縣界即為清河
國初有哈達國 太祖己亥年滅之

穆勒肯山衛

舊訛木魯罕今改正明實錄永樂四年十二月烏拉等處部和索

哩威格奇納等來朝置衛於搜里之地烏拉舊訛吾蘭兒搜里舊訛掃隣今改正考 皇輿全

圖穆勒肯必喇源出穆勒肯達巴罕東流會搜里必喇入於烏蘇哩烏拉皆在寧古塔東北

窩集前衛

舊亦訛兀者今改正永樂四年置

伊罕河衛

舊訛亦罕今改正明實錄永樂四年置考伊罕河在吉林城東北二十五

里源出訥穆窩集
西流入混同江

拉林河衛

舊訛納憐今改正永樂四年置按拉林河在吉林城東北二百二十五里

北流入
混同江

穆倫河衛

舊訛麥蘭今改正明寶錄永樂四年置按穆倫河在寧古塔城東四百里

出穆倫窩集東流入烏蘇哩江國初穆倫路屬東海窩集部太祖辛亥年征取之

沃楞衛

舊訛幹蘭今改正永樂四年置按沃楞河在寧古塔城南四十餘里

瑪延山衛

舊訛馬英今改正永樂四年置按瑪延達巴罕在吉林城南一百餘里

圖勒哩山衛

舊訛土魯亭今改正永樂四年置按圖勒哩山在黑龍江境內

穆克圖哩山衛

舊訛木塔里今改正永樂四年置按穆克圖哩山在寧古塔東

與烏蘇哩
江相近

多林山衛

舊訛朵林今改正永樂四年置
按多林窩集在寧古塔境內

哈魯河衛

舊訛哈里今改正永樂四年置
按哈魯河在齊齊哈爾城東入屯河

齊努温河衛

舊訛喜樂温今改正永樂五年置
按齊努温等十二衛以部人圍

成阿等為指揮等官案齊努温河在吉林城
西南五十里出庫勒訥窩集入温德亨河

穆霞河衛

舊訛木陽今改正永樂五年正月置
按穆霞河在寧古塔境與密拉河圖

們江
相通

海蘭城衛

舊訛哈蘭今改正永樂五年正月置
按海蘭城在寧古塔城西北六十里

海蘭河
北岸

枯凌河衛

舊訛可令今改正永樂五年正月置
按枯凌河即大凌河故道在錦縣東

南今土人猶有枯凌衛
之稱與老邊屯相近

烏登河衛

舊訛兀的今改正永樂五年正月置
考烏登河在墨爾根城東南一百六

十里出烏塔里
山入訥木爾河

鄂古河衛

舊訛阿古今改正永樂五年正月置
按鄂古河在寧古塔境內

色珠倫河衛

名已見前此又訛撒只刺
今併改永樂五年正月置

伊穆河衛

舊訛依木今改正永樂五年正月置
按伊穆河在呼倫布裕爾境內

伊努山衛

舊作亦文今改正永樂五年正月置
按伊努山在吉林東南一百七十里

穆倫河衛

名已見前此處又記木蘭今改正永樂五年正月置部人約尼為指揮

阿濟衛

舊訛阿濟今改正永樂五年正月置按吉林將軍所轄地名有阿濟莊

佛林河衛

舊訛甫里今改正永樂五年正月置按佛林河在寧古塔城東南六百餘

里

都爾弼衛

舊訛朶兒必今改正永樂五年正月置按都爾弼地名在盛京西北

本朝天聰元年

太宗文皇帝曾

駐蹕山岡受教漢部落之降三年征明會師于

此崇德二

年築城焉

訥穆河衛

永樂五年正月置按訥穆窩集在吉林城東八十里城東南諸河多發源

此於

佛爾們河衛

舊訛南門今改正永樂五年正月置按佛爾們河在吉林城南四十

五里出庫勒訥窩集

賡金河衛

舊訛哥吉今改正永樂五年正月置賡金河等五衛以部人克成額為指

揮按賡金河在吉林東南七百九十里源出訥秦窩集北流入混同江

伊穆河衛

名已見前此又訛野木今併改永樂五年二月置

納爾吉河衛

舊訛納刺吉今改正永樂五年二月置按納爾吉河在黑龍江境內

伊拉齊河衛

舊訛亦里察今改正永樂五年二月置按伊拉齊河在吉林城西九

十里

塔拉河衛

舊訛答刺今改正永樂五年二月置
按塔拉河在寧古塔城西南又有塔

拉站

阿爾拉山衛

舊訛阿刺今改正永樂五年二月
置按阿爾拉山在黑龍江境內

綏滿河衛

舊訛隨滿今改正永樂五年二月置
按綏滿河與潮河納河相近為

京將軍
所轄

三屯河衛

舊訛撒禿今改正永樂五年二月置
按三屯河在吉林城南四百八十里

即輝發河之上流也
河之北有輝發城

呼蘭山衛

舊訛忽蘭今改正永樂五年二月置考呼蘭峯在葉赫城東北吉林城西

南四百餘里又吉林城南北一百四十里別有呼蘭山

烏爾琿山衛

舊訛古魯琿今改正永樂五年二月置按烏爾琿山在寧古塔城東

南六百餘里

哈喇烏蘇衛

蒙古語黑水也舊訛考郎兀今改正明寶錄永樂五年三月黑龍江

等處部人珠赫瑚什祜等來朝因置哈喇烏蘇烏蘇哩二衛以珠赫為指揮瑚什祜為僉事

烏蘇哩河衛

舊訛亦速里今改正永樂五年三月與哈喇烏蘇衛同置按烏蘇哩

河在寧古塔境北流會黑龍江

伊爾登河衛

舊訛野兒定今改正永樂五年三月置部人賈呼實為指揮按伊爾

登河在承德縣東南七十里里與古坪城薩爾許相近

巴爾達河衛

舊訛卜魯丹今改正永樂五年三月置按巴爾達河在黑龍江西北

千餘里與明邊境相去絕遠勢不能通考國初渾河部有巴爾達城太祖丁亥年遣

大臣額亦都征叛之或即是也

齊努温衛

名已見前此處又訛喜刺烏明會曲又訛喜速温即喜樂温河也今併改

永樂五年十二月置部人迪陞格為指揮

阿魯河衛

舊訛阿里明會曲又訛阿吉今改正永樂五年置按阿魯河在吉林城西

南五百餘里

推屯河衛

舊訛禿都今改正永樂六年正月置部人伯辰等為指揮按推屯河在吉

林城東二百三十五里有推屯站自吉林至寧古塔第三站也

寶山衛

永樂六年正月置

呼拉爾吉山衛

舊訛忽里吉今改正永樂六年正月置按黑龍江境內有呼拉

爾吉屯

拉們河衛

舊訛列門今改正永樂六年正月置按拉們河在鳳凰城西北一百八十

里入太子河

們河衛

舊記莫溫今改正永樂六年正月置按們河在寧古塔東南五百里入興喀湖

雅爾河衛

舊記阮里今改正永樂六年正月置按雅爾河在齊齊哈爾城西百二十

里入嫩江

察爾圖山衛

舊記察刺禿今改正永樂六年正月置按察爾圖山在英額邊門與

扎凌及八家營子地相近

雅哈河衛

舊記囉罕今改正永樂六年正月置按雅哈河在吉林城西三百三十里

又有雅哈城

費克圖河衛

舊記弗朶禿今改正永樂六年二月置部人嘉凌阿和托為指揮按

費克圖河在河勒楚喀
東三百里有費克圖站

沃楞河衛

名已見前此亦訛幹蘭今
併改永樂六年二月置

色埒河衛

舊訛薛列今改正永樂六年二月置
以部人索靈阿為指揮同知按色埒

河在黑龍
江境內

喜塔爾河衛

舊訛希難今改正永樂六年二月
置考喜塔爾河在寧古塔境內

克默爾河衛

舊訛克默而今改正永樂六年二
月置按克默爾河在寧古塔境內

阿津河衛

舊訛阿真今改正永樂六年二月置
按阿津河在興京境與棟鄂山相

近

烏爾堅山衛

舊訛兀里溪今改正永樂六年二月置八年以部人薩音嘉為指揮

徙居安樂州按烏爾堅山在吉林城西南五百餘里

三岔河衛

舊訛撒又今改正永樂六年二月置按遼河入海之處名三岔河當時尚

在明邊內未必訛誤惟白都訥城西北六十里有三岔河明人未之知也原文撒又或即是此

額哲密河衛

舊訛阿者達今改正永樂六年二月置按額哲密河在吉林境內入

混同江

穆瑚埒河衛

舊訛木忽刺今改正永樂六年二月置按穆瑚埒河在寧古塔境內

奇集河衛

舊訛欽真今改正永樂六年二月置按奇集河在寧古塔境內又有奇集

七

呼爾哈河衛

舊訛兀魯罕今改正明實錄永樂六年三月置以訥訥赫等處部人

博索等為指揮按呼爾哈河出吉林色齊窩集繞寧古塔城東北折入混同江即金史之呼里

改江也訥訥赫城在寧古塔城南舊訛暖暖河今併改國初呼爾哈路屬東海窩集部

太祖己亥年路長率眾朝謁自此歲歲朝貢又有南路呼爾哈部北路呼爾哈部俱乙丑年

征取之此下九衛俱永樂六年三月置

達罕山衛

舊作塔罕今改正滿洲語達罕馬駒也

穆霞河衛

名己見前此又訛木與今併改

伊實衛

舊記茲實今改正按伊實河在吉林城東百四十里西流入混同江

綽拉題山衛

舊記者列帖又記者帖列今併改按寧古塔境內有綽拉題屯

恰庫衛

舊記乞忽今改正按恰庫河在吉林城南六百五十餘里東流入混同江

羅羅衛

舊記刺魯今改正按羅羅山在吉林城西北百二十里

雅魯衛

舊記牙魯今改正按雅魯河在齊齊哈爾城東入屯河

猷特哩衛

舊記友鐵今改正按猷特哩屯在寧古塔東北此上九衛俱永樂六年與

呼爾哈

衛同置

奇塔穆河衛

舊記乞塔今改正永樂六年置按奇塔穆河在打牲烏拉境內松花

江

通壑山衛

舊訛童寬今改正永樂六年置按通壑山在寧古塔城南七百里輝春河

發源於此

格林河衛

舊訛葛林今改正永樂七年置以部人特穆爾等為指揮按格林河在寧

古塔東北以下九衛俱永樂七年置

版長衛

舊訛把城今改正按版長塔在興涼西南一百九十五里

界藩河衛

舊訛札肥今改正按界藩在興涼西北一百二十里有界藩渡口

初自為一寨後歸本朝太祖已未年大破明將杜松等兵於此

哈寶瑪衛

舊訛忽石門今改正按哈寶瑪山在鳳凰城西北三百七十里又嘉哈必

喇附近有哈寶瑪必喇

扎凌山衛

舊訛扎嶺今改正按扎凌地名在英額門內與察爾圖山八家營子相近

默爾根衛

舊訛木里吉今改正按默爾根河在默爾根城東一里

呼爾哈衛

名已見前此又訛忽兒海今併改

穆遜河衛

舊訛木速今改正按穆遜河在齊齊哈爾之東南流入屯河

赫圖河衛

舊訛好屯今改正按赫圖河在寧古塔西南東流至愛丹城入葛哈哩河

又屬以上九衛俱永樂七年與格林衛同置

富勒堅衛

舊訛伏里其今改正明實錄永樂七年四月置以尼嚕罕部人瑚爾都訥

為指揮按富勒堅城在寧古塔城南六百七十里

福題希衛

舊作弗提今改正明實錄永樂七年五月改呼爾哈衛為福題希衛以部

人達實為指揮考福題希乃呼爾哈部內屯名

本朝崇德七年征呼爾哈部落福題希等十

屯人民俱降此既云改呼爾哈為福題希而永樂十四年所置吉灘河衛又稱屬呼爾哈福題

希衛或當時未另置此衛名而明實錄誤為改名也

奇穆尼衛

舊訛乞勒尼今改正明實錄永樂七年置以瑚爾穆地人薩敦為指揮按

奇穆尼窩集在寧古塔東北有奇穆尼河入混同江湖爾穆屯瑚爾穆河俱在寧古塔東北與

奇穆尼河相近瑚爾穆
舊訛虎夜木今改正

愛哈衛

舊訛愛和又訛愛河今改正永樂七年八月置考皇輿全圖鳳凰城東北愛

哈邊門外有愛哈必刺
及愛哈和北即愛和也

博爾和衛

舊訛把和今改正永樂七年八月與
愛哈衛同置以齊達納等為指揮使

按博爾和山在吉林西
南與英額邊門相近

阿倫衛

永樂七年十月置以伊里哈為指揮僉
事達陽阿為千戶官按皇輿全圖阿

倫河在齊齊
哈爾城北

塔瑪寶克衛

蒙古語塔瑪印也寶克相似也
舊訛塔瑪速今改正地名無考

寶勒們衛

名已見前此又訛失里木今併改永樂九年以部人哈陞格為指揮使

和通吉衛

舊訛和屯吉今改正永樂七年置按和通吉河在吉林東南一千四十里

入混同江亦舒赫通額又書合元通吉又書和通集其實一也

固里河衛

舊作占里今改正永樂七年置按固里河在黑龍江境內

富倫河衛

舊訛甫兒今改正永樂八年二月與舒縉等三衛同置以納恰等十九人

為指揮等官按富倫河在寧古塔城東與阿濟格窩集相近

舒縉河衛

舊訛使坊今改正按舒縉河在寧古塔城東南入緩芬河

尼滿河衛

舊訛亦麻今改正按尼滿河在寧古塔城東入烏蘇哩江以上俱永樂八

年與富倫

河同置

費雅河衛

舊記法因今改正水樂八年二月置以部人圖刺等為指揮按費雅河在

寧古塔城東

北百餘里

噶穆河衛

舊記古木今改正水樂八年二月置按噶穆河在寧古塔城東北又鳳凰

城相近有喀摩

河音亦相近

額音河衛

舊記兀應今改正水樂八年二月置按額音河在吉林城西南五百餘里

東流會富

爾哈河

噶齊克衛

舊記葛稱哥今改正水樂八年三月置以部人謝成格為指揮按噶齊克

地名在齊齊哈爾
西百八十里

希禪衛

舊訛喜申今改正永樂八年十一月置
以部人遣塔努為指揮僉事按希禪噶

珊在寧古
塔東北

額埒河衛

舊訛几列今改正永樂八年十二
月置按額埒河在寧古塔東北

弼勒古河衛

舊訛卜魯几今改正永樂八年十
二月置按弼勒古河在寧古塔城

北東

密拉河衛

舊訛木刺明會典又訛木東今改正
明寶錄永樂八年置按密拉河在吉

林境內與小
圖們江相近

阿布達哩河衛

舊訊阿答力今改正明實錄永樂八年置按阿布達哩河在寧

古塔東南與
瑋春河相近

托罕河衛

舊訊督罕今改正明實錄永樂九年二月置以部人瑪吉尼為指揮按托

罕河在寧

古塔西南

濟爾瑪泰衛

舊訊只兒蠻今改正明實錄永樂十年八月尼魯罕富爾聖烏拉等

處部人來置濟爾瑪泰等十一衛以準圖努等為指揮按濟爾瑪泰河在呼倫布裕爾東七十

餘里

烏拉衛

名已見前此又訊
几刺今併改正

順民衛

地無可考今盛京有新民屯與嘉哩庫河尼雅滿莊相近

農額勒衛

舊訛囊哈兒今改正按吉林東南五百八十里有農額勒蘭海河疑此截

為衛名也

古魯衛

按齊齊哈爾西南至白都訥第五站為古魯站去齊齊哈爾百八十五里

穆勒衛

舊訛滿涅今改正按穆勒河在吉林城南四百餘里與輝發河覺哈河相近

哈爾敏衛

舊訛哈爾璧今改正按哈爾敏河在吉林境內長白山西南源出分水嶺

南流入
佟嘉江

塔克題音衛

舊訛塔亭今改正按塔克題音屯在寧古塔東北

額蘇倫衛

蒙古語天王也舊
訛也孫倫今改正

噶穆河衛

名已見前此處又
訛可木今併改

富色克摩衛

滿洲語富色克滋生也摩樹也舊
作弗思木今改正明實錄遼陽至

彈綽彈之地三千四百里彈綽彈至富色克摩
隘口一千三百六十里以上俱永樂十年置

布爾哈圖河衛

舊訛卜忽克今改正明實錄永
樂十二年三月置以部人伊能

額為指揮考布爾哈圖河在寧古塔南四百里
入葛哈哩河又興京西南八十里亦有布爾

哈圖
河

哈勒琿河衛

名已見前此處又
訛阿兒溫今併改

噶哈衛

舊訛可河今改正按噶哈必刺在吉林城北巴延鄂佛羅站南又有噶哈城以

上俱永樂十二年置

噶哈河衛

名已見前此又訛葛可今併改明寶錄永樂十二年三月置以部人廣佑

等為指揮

塔舒爾河衛

蒙古語馬鞭也舊訛塔速兒今改正明寶錄永樂十二年九月置塔

舒爾等八衛以部人阿嚕圖為指揮按河名無考

烏屯河衛

舊訛兀屯今改正按烏屯河在齊齊哈爾東出興安嶺東南入混同江

宣城衛

舊訛元城今改正按宣城與鴨綠江路寬甸相近

科博樂衛

舊訛和卜羅今改正按科博樂屯與尚間崖伊拉塔山相近

老哈河衛

按老河蒙古語稱為老哈即遼時土河也源出喀喇沁右翼南之明安山

東北流經故大寧城東又北經敖漢北又東北流與潢河合

額埒衛

名已見前此處又訛兀列今併改

鄂勒歡衛

舊訛兀刺忽今改正
太祖丙戌年追討尼堪外蘭越相隣諸部徑

攻鄂勒歡城克之

哈爾費延衛

舊訛哈爾芬今改正按混同江中有哈爾費延島島上有城周二里

名哈爾費延城在吉林界內
以上並永樂十二年九月置

寶爾固辰衛

舊訛夫兒兀赤今改正明寶錄永樂十二年十二月置以部人萬達

為指揮按寶爾固辰噶珊在寧古塔東北烏蘇哩河旁

彌勒古河衛

名已見前此又訛卜魯兀今併改明永樂十二年置

和囉噶衛

蒙古語牆圍也舊訛忽魯愛今改正明寶錄永樂十三年十月置衛地無

考

珠敦河衛

舊訛渚冬今改正明寶錄永樂十三年十月以部人章嘉為指揮同知按

珠敦河在吉林城西南五百餘里源出果爾敏珠敦入連吉善河

扎津衛

舊訛扎真今改正明寶錄永樂十三年十月以部人吉當阿為指揮同知按扎

津河在寧古塔城西
南一百十里入鏡泊

祜實哈哩衛

舊訛兀思哈哩今改正明實錄永樂十三年十月以部人呼哈斯為

指揮同知按祜實哈哩河在寧古塔城東北二十五里源出祜實哈哩窩集本朝崇德四年

部長納穆達理等朝貢

吉灘河衛

明實錄永樂十四年八月置以部人雅蘇為指揮同知屬呼爾哈福題希

衛按吉灘河在旺清門外額爾敏河之西

尼瑪呼山衛

舊訛亦馬忽今改正明實錄永樂十四年八月置按尼瑪呼山在吉

林城西南五百餘里
壬子年征烏拉還築木城于山上
太祖

伊屯河衛

舊訛亦東明一統志訛一禿又訛一統今改正明實錄永樂十五年二月

置按伊屯河在吉林城西二百九十餘里北流入混同江伊屯們即在河西

伊爾們河衛

舊訛亦迷又訛亦速明一統志訛亦速今改正明實錄永樂十五年

與伊屯河同置明一統志亦迷河在開原城北流合一禿河入松花江亦速即伊爾們一禿即伊屯之誤也今按伊爾們河在吉林西百四十里會伊屯河入混同江若亦速則當為伊遜河在黑龍江境內與伊屯相去甚遠原文更為訛坪

浩喇圖吉衛

舊訛阿真同真今改正明實錄永樂十五年置按浩喇圖吉山在默

爾根東南
二百里

伊實左衛

名已見前此亦訛益實今併改

阿都齊衛

蒙古語牧馬人也舊訛阿答赤今改正地名無考

塔山左衛

明實錄作前衛即明人所謂南關也正統間授部長錫

赫特及其孫王台為左都督

太祖己亥年平其國

齊努溫衛

名已見前此又訛城討溫今併改按伊實左衛以下俱明正統間置寄居

摩琳衛內尤空

文無實者也

噶穆衛

名已見前此處又訛可木今併改按噶穆衛以下俱明正統後所置尤為複沓

錫璘衛

舊訛失里今改正按錫璘河在寧古塔境內國初錫璘路屬窩集部

太祖甲寅年征降之

蘇穆魯河衛

舊記夫木魯今改正按寧古塔東北有蘇木魯山無蘇穆魯河

瑚爾穆衛

舊記忽魯木今改正按瑚爾穆山在寧古塔東北與伊爾琿噶珊相近其

去明邊絕遠九為夸而無實也

塔瑪實克衛

名已見前此亦記塔瑪速今併改

吉灘衛

名已見前

和屯衛

滿洲語城也按寧古塔東北呼爾哈河入混同江之地有和屯噶珊去明邊遠

衛名當不在此

和通吉衛

名已見前

伊實衛

名已見前此處又
訛亦失今併改

伊拉喀衛

舊訛亦力克今改正按齊齊哈爾
東北三百五十四里有伊拉喀站

納穆衛

名已見前此亦
訛納木今併改

佛訥赫衛

舊訛弗納河今改正按佛訥赫城
國初屬窩集部
太祖丁未年

遣貝勒巴雅
喇等征取之

哈實瑪衛

名已見前此處又
訛忽夫木今併改

瑚葉衛

舊訛兀也今改正按瑚葉路
國初屬
東海窩集部
太祖己酉年遣兵

千人征
取之

額蘇倫衛

名已見前此又訛也速倫今併改

博和哩衛

舊訛巴忽魯今改正按博和哩河在寧古塔境內又黑龍江南七十五里

有博和哩山博和哩噶珊

太宗崇德八年攻克之

烏雅山衛

舊訛兀牙今從八旗姓氏譜改正

托漠衛

名已見前此又訛塔木今改正

呼勒山衛

舊訛忽里今改正按呼勒山在寧古塔城東北三百里

哈瑪爾衛

舊訛罕麻今改正按呼倫布裕爾西三百餘里有哈瑪爾山

默爾根河衛

名已見前此記
木里吉今併改

伊爾們河衛

名已見前此處又
訛引門今併改

伊拉齊衛

舊訛亦里察今改正按吉林
城西九十里有伊拉齊山

扎穆圖衛

舊訛只卜得今改正按寧古塔城北
五十里有扎穆圖河又扎穆圖窩集

在城北百
二十里

洮爾河衛

舊訛塔兒今改正按洮爾河在科爾
沁右翼前旗西四里源出西興安山

入嫩江魏書之太魯太灞河唐書之地漏河遼
史之地魯撻魯河金史之撻魯古河皆即是河

也詳前勿
吉疆域條

穆瑚埒衛

名已見前此又訛
木忽魯今併改

穆當阿山衛

舊訛木蒼今改正按穆當阿山在
寧古塔西南五百餘里又寧古塔

城西三十里亦有穆當阿城

勒克山衛

舊訛立山今改正按勒克山在
吉林西北四百餘里周百餘里

克音河衛

舊訛可吉今改正按寧古塔城東北
五十里有克音城克音河應在其地

年克音噶珊來貢
太宗天聰九

呼濟河衛

舊訛忽失今改正按呼濟
河在寧古城南三百里

多隆武衛

舊訛脫倫凡今改正按齊齊哈爾
東有多隆武噶珊與屯河相近

阿濟納河衛

舊訛阿的納今改正按阿濟納河在盛京將軍所轄境內與恰庫

站北穆峪相近

額埒衛

名已見前此又訛兀乃今併改

阿蘇衛

名已見前

遜河衛

舊訛速溫今改正按遜河在黑龍江南一百八十里

吉朗吉衛

舊訛結刺吉今改正按吉林東南七百九十里有吉朗吉海蘭河

薩喇衛

舊訛撒刺今改正按寧古塔城南有薩喇河與圖們江布達山相近

伊實衛

名已見前此又訛亦實今併改

費克圖河衛

名已見前此又訛
弗保脫今併改

伊屯河衛

名已見前此又訛亦
屯又作易屯今併改

溫托琿河衛

舊記兀討溫今改正按齊齊哈爾
西南百三十里有溫托琿鄂謨又

有溫托
琿站

法河衛

舊記甫河今改正按法河一在吉林
南六百六十餘里入混同江一在吉林

城南四百餘
里入輝發河

拉拉山衛

舊記刺山今改正按拉拉山
在寧古塔城東與們河相近

阿濟衛

名已見前此又
訛阿者今併改

通壑山衛

名已見前此又訛為童山
寬蓋傳寫顛倒今併改

第拉衛

舊訛替里今改正按寧古塔城東
北有第拉河與喜拉遜河相近

伊拉齊河衛

名已見前此處又
訛亦力察今併改

哈爾費延衛

名已見前此處又
訛哈里分今併改

圖河衛

舊訛禿河今改正按圖河
在穆遜河之東屯河之北

赫圖衛

名已見前此亦
訛好屯今併改

奇穆尼衛

名已見前此又訛
乞力尼今併改

薩里河衛

名已見前此處又
訛撒里今併改

哈實瑪衛

名已見前此處又
訛忽思木今併改

額埒河衛

名已見前此處又
訛几里今併改

呼勒山衛

名已見前此處又
訛忽魯今併改

法勒圖河衛

舊訛忽兒禿今改正按法勒圖
河在寧古塔城東興喀湖東南

穆克圖哩衛

名已見前此處又
訛沒脫倫今併改

噶勒弼河衛

舊訛阿魯必今改正按呼倫布裕
爾南四百四十餘里有噶勒弼鄂

謨

雅奇山衛

舊訛咬里今改正按雅奇山
在吉林城西南五百餘里

伊努衛

名已見前此亦
記亦文今併改

色珠倫衛

名已見前此處又
記葛豬洛今併改

托里山衛

舊記峇里今改正按黑龍
江城南六十里有托里峯

噶穆河衛

名已見前此亦
記古木今併改

拉拉衛

名已見前此處又
記刺兒今併改

烏屯河衛

名已見前此處又
記兀同今併改

察罕山衛

舊記出萬今改正按黑
龍江城北有察罕峯

瞻屯衛

舊記者屯今改正按瞻屯在寧古塔境
內即瞻窩珊也與穆瑚埒噶珊相近

希禪衛

名已見前此又
訛喜辰今併改

噶哈衛

名已見前此處又
訛海河今併改

拉哈衛

舊訛蘭河今改正按拉
哈河在旺清邊門內

敦珠克山衛

舊訛朵州今改正按敦珠克
山在吉林西南五百餘里

占尼河衛

舊訛者亦今改正按占尼河在吉林
城西南五百七十餘里西南流入威

速堡門
為扣河

納蘇濟勒河衛

蒙古語納蘇歲也濟勒年
也舊訛納速吉今改正

博和哩衛

名已見前此又訛
把忽兒今併改

敦敦河衛

舊訛鎮真今改正按敦敦河在寧古塔東

伊遜河衛

舊訛也連今改正按伊遜河在齊齊哈爾東與七河伊春河相近

察爾圖山衛

名已見前此又訛考判禿今併改

雅魯河衛

名已見前此又訛也魯今併改

伊魯河衛

舊訛亦魯今改正按伊魯河在寧古塔興喀湖南又鐵嶺縣城南亦有伊

魯河或書作懿路明別設鐵嶺衛中千戶所於此

錫里呼衛

蒙古語選拔也舊訛失里兀今改正地名無考

推屯河衛

名已見前此又訛禿屯今併改

扎凌山衛

名已見前此又
訛者林今併改

博羅河衛

蒙古語青色也舊作皮羅今改正按
城京將軍所轄有博囉堡與黃岡島相近

都爾弼衛

名已見前此又訛
朵兒平今併改

薩里衛

名已見前此又
訛撒力今併改

密拉圖河衛

蒙古語密拉鞭也圖有也舊
訛密刺禿今改正山無考

佛爾們衛

名已見前此亦
訛甫門今併改

實勒們河衛

名已見前此又
訛甫木今併改

默倫河衛

舊訛沒倫今改正按默倫河在志
林東北與阿勒楚喀河源相近

費克圖河衛

名已見前此又訛弗禿都今併改

綽拉題衛

名已見前此亦訛者列帖今併改

察爾察圖河衛

蒙古語察爾察蚌蟻也圖解見前舊訛察扎禿今改正

舒繡河衛

名已見前此又訛出萬今併改

綽拉題衛

名已見前此又倒為者帖列今併改

烏蘇衛

舊訛兀失今改正按烏蘇城國初屬葉赫國太祖癸丑年九月征葉

赫破烏蘇

等十九城

呼勒河衛

舊訛忽里今改正按呼勒河在長白山西南源出分水嶺入佟嘉江

實勒們河衛

名已見前此亦
失里綿今併改

烏拉衛

名已見前此又
訛兀刺今併改

黠河衛

名已見前
即愛哈也

薩哈勒察衛

舊訛哈刺察今改正按索倫部
薩哈勒察地屬黑龍江所轄

默倫衛

名已見前此亦
訛沒倫今併改

布拉衛

舊訛卜魯今改正按布拉山
在寧古塔城西南一百十里

扎哈喇哈衛

舊訛以哈阿哈今改正按扎哈喇
哈峯在綽綽哈爾東南九百里

率賓江衛

名已見前此倒訛
為速江平今併改

鄂山衛

舊訛凡山今改正按鄂山在吉林城北七十七里

佛林衛

名已見前此又訛弗力今併改

碩隆山衛

舊訛失郎今改正按碩隆山在呼倫布裕爾東二百五十里

伊屯衛

名已見前此又訛亦屯今併改

穆河衛

舊訛木河今改正按穆河在呼倫布裕爾北八百六十里

珠敦衛

名已見前此又訛竹墩今併改

噶穆衛

名已見前此又訛河木今併改

海蘭衛

名已見前此又訛哈郎今併改

薩爾布衛

舊訛歲班今改正按寧古塔城東北一百二十里有薩爾布河又有薩爾

布窩集薩

爾布屯

寶山衛

名已見前此又訛失山今併改

海蘭衛

名已見前此又訛考郎今併改

珠敦衛

名已見前此又訛葉屯今併改

赫什赫河衛

舊訛黑黑今改正按赫什赫河國初屬窩集部太祖丁未

年征取之

古城衛

按盛京東北有古城之地甚多此未知所屬

福河衛

舊訛弗河今改正按福河在黑龍江東南六百

烏登河衛

名已見前此又訛文東今併改

鄂古衛

名已見前此亦訛阿古今併改

斐森衛

名已見前此又訛弗山今併改

烏塔里衛

舊訛兀荅里今改正按烏塔里山在點爾根城東南一百六十里

拉新河衛

舊訛納速今改正按拉新河在吉林城西南五百餘里

錫璘河衛

名已見前此又訛失列今併改

多爾裕衛

舊作朵兒玉今改正地名無考

呼魯河衛

舊說凡魯今改正按呼魯河在吉林西南五百餘里入赫爾蘇河

富爾哈河衛

舊說弗郎罕今改正按富爾哈河一在吉林西南五百餘里東流入

遼吉善河有富爾哈城一在寧古塔南西流入噶哈哩河又吉林城北三十三里有富爾哈城

太祖壬子年

上率大兵征烏拉

國公烏拉河岸而行克臨河五城入取金州城復毀其六城移駐富爾哈河渡口烏拉貝勒布占泰至河中臨請乃還癸丑年復征烏拉連破

遼北泰等數城布占泰越富爾哈城而軍大兵攻克之遂平其國

齊巴噶山衛

名已見前此又訊赤卜罕今併改

老河衛

考永樂十三年已有老哈河衛之名老河即老哈在蒙古界而以為東北衛之

名殊異蓋蒙古部人有至間元
原市易者明人初不能辨也

珠倫河衛

舊訛竹里今改正按珠倫河互
寧古塔城東南六百三十里

吉達納河衛

滿洲語往擊也舊訛吉
答納今改正河無考

扎穆圖衛

名已見前此又訛
者不登今併改

伊蘇圖衛

蒙古語九數也舊
訛也速脫今改正

阿木河衛

按吉林寧古塔等境內無此河名或
即阿拉穆河及阿穆塔圖鄂謨鄂摩

和索羅等地
割截名之耳

岳喜衛

舊訛爾亦今改正按岳喜河在阿勒楚
喀東南二十餘里入混同江按自噶穆

衛以下至此俱
正統後所置

薩爾達衛

舊訛山蒼今改正按薩爾達山在打
姓烏拉又寧古塔境內薩克達地名

音亦相近此以下
俱名嘉靖時置

塔哈衛

按塔哈河在
黑龍江境內

庫勒訥河衛

舊訛弗魯訥今改正按庫勒訥河
在吉林西南百餘里出庫勒訥窩

集

康薩衛

舊訛行子今改正按康薩嶺
在吉林西南扈倫嶺之東

幹齊城衛

舊訛兀勒阿今改正按幹齊城在寧
古塔之北混同江之南與摩和囉噶

近 珊相

阿實衛

舊訛阿失今改正按阿實河在白都訥東北四百里

奇徹納河衛

蒙古語勤也舊訛吉真納今改正河無考

法衛

名已見前

博囉衛

名已見前此又訛薄羅今併改

塔瑪實克衛

名已見前此又訛塔麻所今併改

布爾哈衛

舊訛布兒哈今改正按興京西一百二十里有布爾哈渡

伊蘇徹爾河衛

蒙古語伊蘇九數也徹爾潔淨也舊訛亦思察今改正河無考

沙蘭衛

名已見前此又
訛失刺今併改

布爾哈圖衛

名已見前此亦訛
卜忽禿今併改

薩里衛

名已見前此又
訛散里今併改

伊實衛

名已見前此又
訛你實今併改

平河衛

無考

呼拉爾吉山衛

名已見前此亦訛
忽里吉今併改

阿奇衛

舊訛阿乞今改正按阿奇噶珊在寧古
塔東北尼滿噶珊之北與穆克圖哩山

實爾固辰

葛珊相近

太蘭衛

舊訊台郎今改正按太蘭岡與興京相近太祖乙酉年擊收渾河諸

部兵
於此

賽堪衛

舊訊塞克今改正按賽堪嶺在齊齊哈爾西南

布魁衛

舊訊拜苦今改正按自齊齊哈爾東北至默爾根第一站即布魁站也

蒐里衛

舊訊所力今改正按蒐里河在寧古塔東北

巴爾衛

舊訊把里今改正按巴爾屯在黑龍江境內

塔納衛

滿洲語東珠也地名無考惟黑龍江境內有托諾河音與相近

穆倫衛

名已見前此又訛木郎今併改

額爾克衛

舊訛額克今改正案額爾克山在默爾根東北

勒富衛

舊訛勒伏今改正按勒富河一在寧古塔東南七百九十里入興喀湖一在吉

林西二百六十里入伊爾們河又吉林西南五百餘里有勒富山此未詳何屬

綏滿河衛

名已見前此又訛式木今併改

舒爾哈衛

舊訛樹哈今改正按舒爾哈河在寧古塔東南入鴨哈哩河

費雅哈達衛

舊訛肥哈答今改正滿洲語費雅樺木也哈達山峯也

格根衛

舊訛蓋干今改正按寧古塔東北有格根噶珊

英圖衛

蒙古語英圖有碾之謂也舊訛英禿今改正地名無考

恰庫衛

名已見前此又
訛乞忽今併改

阿林衛

滿洲語
山也

哈爾薩衛

舊訛哈兒速今改正按
興京西南有哈爾薩山哈爾薩河發源於此

布達衛

舊訛巴荅今改正按布達山布達窩集
俱在寧古塔西南與富爾嘉哈河薩喇

河相近

托漠衛

名已見前此又
訛脫木今併改

喀巴衛

舊訛忽把今改正按喀巴
嶺在鳳凰城西南三十里

松阿哩衛

舊訛速哈兒又訛疎和兒勝和兒
今併改按松阿哩烏拉叩混同江

穆蘇衛

舊訛馬失今改正按穆蘇噶珊在寧古塔東北與敦敦窩集相近

托新衛

舊訛塔塞今改正按托新河在齊齊哈爾西入綽爾河

扎哩衛

舊訛劄里今改正按扎哩河在齊齊哈爾東入屯河

扎哈衛

舊訛者哈今改正按扎哈河在吉林城南七百十五里

興喀衛

舊訛恨克今改正按國初有興喀路以興喀湖名湖在寧古塔城東南五百

里周圍
千里

哈爾薩衛

名已見前此又訛哈夫今併改

交枝衛

地名
無考

噶哈衛

名已見前此又訛噶今併改

愛丹衛

舊訛艾荅今改正按愛丹城在寧古塔城南四百里海蘭河布爾哈圖河會流

地之

尼滿衛

名已見前此又訛亦蠻今併改

哈瞻衛

舊訛哈察今改正按哈瞻河在吉林東南九百六十餘里

海楚衛

舊訛革出今改正按海楚噶珊在寧古塔東北與伊爾琿噶珊相近

布達衛

名已見前此亦訛卜荅今併改

蘇爾河衛

前訛蜀河今改正按蘇爾河在黑龍江城東南入黑龍江

屯齊山衛

舊訛禿里赤今改正按屯齊
哈達在吉林城西三十里

賽音衛

滿洲語善也衛未詳何地考吉林城南
五百二十里有賽音訥音河入混同江

或即
是也

梅赫衛

舊訛忙哈今改正按吉林城西南五百
二十里有梅赫河即蛇河也又有庫克

托梅赫河安班梅赫河並在吉林西南入遼吉
善河又寧古塔城北亦有梅赫河入呼爾哈河

此以上俱
嘉靖年置

窩集屯河所

舊訛兀者托温今改正明寶鈔永
樂二年十月置以歡塔等為十百

戶按屯河出屯窩集原文加窩集於屯字之
上似以屯河所為窩集衛屬部也餘見前

喀勒達所

舊訛可里陽今改正明寶錄永樂四年正月置以巴圖布哈等為千百戶

按喀勒達山在瑯春城東八十餘里

呼特亨所

舊訛兀的罕今改正明寶錄永樂四年二月置按大呼特亨噶珊在混同

江南岸小呼特亨噶珊在混同江北岸又有大小呼特亨河俱入混同江

德里沃赫所

舊訛得的河今改正永樂五年二月置按德里沃赫在興京西一

百五十里

阿寶河所

名已見前此又訛與石今併攷

鄂爾琿山所

舊訛哈魯門今改正永樂五年正月置按鄂爾琿山在寧古塔東南

六百二十里

法坦河所

舊訊敷荅今改正永樂七年四月置按法坦河在寧古塔東北

窩集奎瑪所

窩集舊訊兀者奎瑪舊訊按野木今改正按奎瑪河奎瑪瑪珊俱在

寧古塔東北

窩集沃勒齊所

沃勒齊舊訊穗勉亦今改正按沃勒齊瑪珊在寧古塔東北

岳色所

舊訊魚夾今改正按岳色河在寧古塔東北

烏延所

舊訊五延今改正按烏延河在黑龍江南四百里

窩集堅河所

名己見前此又記己河今改正

瞻河所

舊訛真河今改正按瞻河一在吉林西
南五百餘里即扣河上流 國初瞻河

寨屬蘇克蘇護河部一在
黑龍江南二百里入遜河

烏登所

名已見前此亦
訛兀的今併改

屯河所

名已
見前

哈克三所

舊作哈三今改正按哈克三 盛京
將軍所轄地名與幹璋鄂謨佛阿拉

相近

窩集屯河所

名已
見前

喀本河所

名已見前此亦
訛古賁今併改

五因所

按黑龍江城南有五因河又有五因屯

索爾和綽河所

舊訛鎖郎哈真今改正按索爾和綽河在寧古塔城南十里入

呼爾
答河

窩集昆河所

昆舊訛揆今改正昆河在黑龍江城南二十里

烏屯河所

名已見前此又訛兀禿今併改

溫托琿河所

名已見前此亦訛兀討溫今改正

窩集色勒所

色勒舊訛撒今改正按色勒河在吉林東南入混同江

哈魯城

名已見前

喜嚕林城

舊訛喜樓里今改正按喜嚕林
山喜嚕林七俱在寧古塔東北

博爾德站

舊訛別兒真今改正按博爾德站在
齊齊哈爾東北二百七十里由默爾

根至黑龍
江之站也

黑龍江地方默勒特伊站

默勒特伊舊訛莽亦
鐵今改正按默勒特

伊嚕珊在黑龍江與
烏蘇哩江會流之地

佛多和站

舊訛弗朵河今改正按佛多和河一
在吉林東南九十八里出納穆窩集

一在吉林南八百四十餘里出納泰窩集一在
寧古塔城西三百三十里出色齊窩集又國

初訛殷部寨名
山珠舍里部訛殷路部主聚七寨人據佛多和
太祖癸巳年征服長白

山寨遣兵
攻克之

伊罕河衛哈必蘇站

伊罕河見前哈必蘇蒙古語助也舊訛忽把希今改

正

哈必蘇站

名已見前但前站名擊之伊罕河衛下似兩站而同一名也

富達里站

舊訛弗荅林今改正按富達里噶珊在寧古塔東北

武都奇站

舊訛古代替今改正按武都奇噶珊在寧古塔東北

烏蘇站

名已見前此又訛五速今併改

博和弼站

舊訛播爾賓今改正按博和弼河在寧古塔東北

和勒赫齊站

舊訛黑勒亨石今改正按和勒赫齊河在黑龍江境

赫勒里站

舊訛黑勒里今改正按赫勒里河在寧古塔東北又黑龍江所轄站名有

和羅爾站

音亦相近

穆遜河地面

名已見前此又訛弗孫今併改

們河地面

名已見前此又訛弗孫今併改

雍潤河地面

舊訛涌坎今改正按雍潤河在黑龍江城西

薩哈地面

舊訛撒哈今改正按薩哈地屬寧古塔

尼滿河地面

名已見前此又訛亦馬今併改

噶穆地面

名已見前此又
訛可木今併改

黑龍江地面

遜河地面

名已見前此又
訛速温今併改

額圖密地面

舊訛昏地速今改正按額圖密
河在寧古塔東南千四百里

烏爾固辰地面

舊訛烏爾袞車今改正按烏爾
固辰路 團初屬東海窩集部

太祖辛

亥年征取之

錫伯河地面

舊訛施伯今改正考 皇輿
全圖錫伯河在屯河之南

已爾達河地面

名已見前此又訛
卜魯丹今併改

松阿哩地面

名已見前此又記勝和爾今併改

珠春地面

舊諸諸車今改正按珠春河在黑龍江城東南一百里

畢沙河地面

舊訛畢讓今改正按畢沙河在黑龍江城北

奇集河地面

名已見前此亦訛欽真今併改

伊津河地面

舊訛因只今改正按伊津河在寧古塔東南五百里

固里河地面

名已見前

綽爾河地面

舊訛阜兒今改正按綽爾河在齊齊哈爾西三百里入嫩江

薩哈連地面

舊訛撒哈連今改正按滿洲語薩哈連烏拉即黑龍江此誤分為兩

地

伊屯河地面

名已見前此又訊亦老渾今併改

果埒亨河地面

舊訊古里罕今改正按果埒亨屯在寧古塔境內

呼呼巴河地面

舊作忽忽八今改正地名無考

蘇穆魯河地面

名已見前此又訊夫木魯今併改

巴哩巴河地面

蒙古語巴哩巴執持也舊訊把爾今改正正河無考

穆倫河地面

名已見前此亦訊木倫今併改

綏哈河地面

舊訊崔哈今改正按綏哈在吉林城西四十里有綏哈城國初屬

哈達國
祖己亥年征取之

太

伊津河地面

名已見前此又
訛也今併改

納敏河地面

舊訛那門今改正按納敏河
在吉林東北邊外入混同江

布爾哈圖河地面

名已見前此又訛
卜思充今併改

烏納琿河地面

舊訛兀魯溫今改正按烏
納琿河在黑龍江境內

色珠倫河地面

名已見前此亦訛
撒只刺今併改

幹齊河地面

舊訛兀察今改正按幹
齊噶珊在寧古塔塔境內

畢里穆江地面

按今並無
此江名

題爾敏地面

舊記的里木今改正按題爾敏河在黑龍江境內

綏芬地面

舊記蘇芬今改正按綏芬河在寧古塔東南四百四十里綏芬路國初

屬窩集部

祖唐成年征降之

太

錫璘地面

地已見前此又訊失今併改

五里河口

按五里河在吉林城東南七百七十里又錦縣城西南八十五里亦有五

里河

拉林口

名已見前此又訊那今併改按拉林渡口站屬吉林將軍所轄即在拉林河

也旁

和敏口

滿洲語和敏鋤頭也舊記
大明今改正地名無考

庫勒河

舊記口兒今改正按庫勒
河在呼倫布格爾境內

必興河

按必興河在
寧古塔東北

色實河

滿洲語豆麩餅餅也舊記
銷失今改正河名無考

固雅温都爾河

蒙古語腿高也舊記古因
温都魯今改正河無考

烏登河

名已見前此又記
幹的音今併改

右凡衛所城站地面共四百五十有八重複者
居四之二無可考者又五之一焉大抵明永樂

間所置其地尚有可稽正統後置者尤為訛複
今詳加糾覈並列於前以著其誤若遼東都指
揮司所轄如定遼中左右前後蓋州復州廣寧
寧遠內地諸衛俱載在

大清一統志及

盛京通志奉寧福餘諾音三衛地接熱河已見熱
河志不復兼及云

欽定滿洲源流考卷十三